



## Suesuega 7

### Mataupu 1 mo Manaoga Faapitoa

#### “O Iesu i Valoaga o le Feagaiga Tuai e Pei ona Faaalia mai e le Faaaliga”

O le ogatotonu moni o le Tusi o Faaaliga, e le o manu feai, aeto, pogisa, mafuie, taua, pe o le suauu i Asia Tutotonu.

O le Ogototonu o le Faaaliga, e Maua lea i Le Atua Le Tama ma Iesu Keriso.

I le Faaaliga, o loo suia ata o le Feagaiga Tuai ona o mean a faia e Iesu. I le tusi lenei, o loo faamautuina ai e Ioane autu tetele o le Feagaiga Tuai ona suia ai lea ona o tulaga na faia e Iesu i Lona soifuaga i le lalolagi, o Lona maliu ma Lona toetu mai, ma Lana misiona i le malumalu i le lagi. O le auala lea ua toe faavaeina ai e Ioane autu tetele nei o le Feagaiga Tuai i ni manatu ma ni auala fou e faateleina o latou uiga ma faatauaga.

O loo faataina mai e le Faaaliga Iesu o Le manumalo i tulaga uma na toilalo ai Isaraelu. O Ia o le Isaraelu Fou. O le mafuaaga lea, o Ia foi o le autu o manuia ma mala o le feagaiga na faia e Le Atua ma Isaraelu i le Feagaiga Tuai. O le soifua, le maliu ma le toetu mai o Iesu Keriso o loo faataina mai uma i tulaga na feagai ai ma Isaraelu.

O le faatauaina la o lenei tulaga, e auai faatasi ai Ioane ma isi tusitala o le Feagaiga Fou o e tumau lo latou faataina mai o Iesu o Le na faataunuina

tulaga uma na fuafua mo Isaraelu o le Feagaiga Tuai, mai le Esoto seia aulia le Tafeaga. Ua tatou vaaia i le Feagaiga Fou, o le malo o Isaraelu o le Feagaiga Tuai—i le tulaga faaleagaga—e manino o loo faalateleina e aofia ai ma le ekalesia (Kalatia 3:26-29; Roma 2:28, 29).

E faaogaina foi e le Feagaiga Fou gagana mai le Feagaiga Tuai e faataina mai ai Iesu ia Mose.

O tulaga e tali tutusa ai ma Mose:

- Na taumafai le tupu e fasiotia o Ia ina o fanau mai;
- Na sola o Ia i Aikupito ma toe taliu mai ai e pei lava o le malo Isaraelu i le Esoto;
- E 40 aso na faaososoina ai o Ia i le toafa, e pei ona iai o Mose i aso e 40 i luga o le Mauga a o tuuina ifo iai tulafono, e 40 foi tausaga na iai le nuu o Isaraelu i le vao ao lei taunuu i le Nuu o le Folafofaga;
- Na ia tuuina ifo faavae o le malo i le lauga mai luga o le Mauga;
- Na Ia filifilia soo e 12 e sui ai ituaiga e 12 o Isaraelu (Mataio 19:28).

Ina ua faaigoaina e Iakopo le ekalesia o ituaiga e 12 (Iakopo 1:1), e manino ai o le tulaga na ofoina atu ia Isaraelu ua faalauaitetele atu nei I le ekalesia Kerisiano (Esoto 19:5, 6; 1 Peteru 2:9,10).

O Lona maliu i Kalevario, na fetai ai Iesu ma mala na tatau ai ona o le le anaana i le feagaiga (Kalatia3:13).

A ona o Lona usiusitai atoatoa i le feagaiga, ua Ia mafai ai foi ona faamamanaina Ona soo i faamanuiaga o le feagaiga. Tatou te maua ai foi e mafai e Le Atua ona ta’ua soo i le faatuatua o “faitaulaga o le malo” (Faaaliga 5:9-10), o le folafolaga lava lea na muai tuuina atu ia Isaraelu pe ana latou tumau i le faamaoni i le feagaiga (Esoto 19:5-6).

Na faafetaiai Ioane e na muai faitau ma e na muai faalogologo i nei feau i siosiomaga na iai i latou a o ia faaaogaina ata e lua o le ekalesia:

1. Na faaaogaina e Ioane le ata o Israelu e faamalamalamaina ai tulaga o loo iai le ekalesia.

O se faataitaiga, i le Faaaliga 7, o loo faaataina mai ai le ekalesia i le numera e 144,000 mai ituaiga e sefulu ma le lua o Israelu.

Ua alu ifo nei le ekalesia mai le molimau a aposetolo e 12 (Mataio 19:27-28).

I le ata lenei, na vaaia ai e Ioane le ekalesia o tau ma Sotoma, Aikupito ma Papelonia, e pei lava ona faia e Israelu o le Feagaiga Tuai o aso anamua.

2. Na faaataina mai foi e Ioane le ekalesia o le mulimuli i tulaga aao o Iesu, Iona Alii.

Na ia faaataina mai le ekalesia:

- O le tupu ma le faitaulaga (Faaaliga 1:5-6, 5:9-10)
- O molimau I tausaga e tolu ma le afa (Faaaliga 11:1-3)
- Ua fasia ma tauemuina (Faaaliga 11:7-10)
- Ua toetu mai ma afio a'e i le lagi (see Revelation 11:11, 12).

Translated from Session Seven, *Hope Meaning Purpose* Revelation Seminar [www.revelationhope.com](http://www.revelationhope.com)

© All rights reserved Seventh-day Adventist Church South Pacific Division. Not for profit publication. Faatagaina le faaliliuina e Etuati E. Erika [eerika@adventist.org.au](mailto:eerika@adventist.org.au) <http://carrumdowns.adventistconnect.org>